

ՄԵՆՔ ԵՒ ՄԵՐ ՀԱՐԵՒԱՆՆԵՐԸ

(ԱԶԳԱՅԻՆ ՔԱՂԱՔԱԿԱՆՈՒԹԵԱՆ ԽՆԴԻՐՆԵՐ)

Գրեց՝ ԱՐՏ. ԱՐԵՂԵԱՆ

LXVII

ԲԱՅԻ Ախալքալաքի ամբողջ գաւառից (պատմական Ջաւախքից) որ գերազանցօրէն հայաբնակ է եւ սակայն Վրաստանի մէջ է առնուած, նոյն վիճակին է ենթարկուած հայկական հողերից նաեւ — ցարական սահմանարձանութեամբ — Բորչալուի գաւառի մէկ մասը:

Այդ գաւառը իր սահմաններով մօտաւորապէս համապատասխանում է մեր պատմական Տաշիրքին, որ հին Հայաստանի Գուգարք նահանգի մէջ էր մտնում, հիւսիսային կողմից սահման ունենալով Վրաստանը: Նա տարածւում է Փոքր Կովկասի հիւսիսահայեաց լանջերին եւ գրաւում է Կուր գետի աջակողմեան վտակներից Խրամի հարաւային կամ աջակողմեան աւազանը: Խրամը իր կողմից եւս դէպի Կուր գետն է հոսեցնում մի շարք մեծ ու փոքր ջուրեր:

Դրանից ամենանշանաւորը Չորագետն է կամ Գերետը: Նա էլ իր կարգին մի շարք մանր վտակներ է ընդունում: Չորագետը իր սկիզբը առնում է Փամբակում, Բզովտալի լեռներից, որոնք ջրբաժան գիծն են կազմում Փամբակի, Լոռիի եւ Շիրակի միջեւ: Իր վերին հոսանքում այդ գետը կոչւում է Փամբակու ջուր: Հոսելով Լոռիի յայտնի ձորով, հիւսիսից-հարաւ ուղղութեամբ, Բորչալուի դաշտում Չորագետը փառնւում է Խրամի մէջ:

Խրամի միւս, դարձեալ աջակողմեան, նշանաւոր վտակն է Մոշաւեր, որ հոսում է արեւմուտքից-արեւելք ուղղութեամբ եւ հազիւ հասած Բորչալուի դաշտը, խառնւում է Խրամի մէջ: Այսպիսով Մոշաւերի ընթացքը դուրսհեռ է Խրամի վերին հոսանքին: Երկուսի աղուէքներն էլ գտնւում են Վրահացոց լեռների արեւմտեան սահմաններում, այսպէս կոչուած Խոնաւ լեռների արեւելեան լանջերին, որոնք

կազմում են ջրբաժան գիծը Տաշիրքի եւ Ջաւախքի միջեւ:

Այսարհագրական Տաշիրքի բնական սահմաններն են. արեւմուտքից՝ Ջաւախքը, հարաւից՝ Փամբակը, արեւելքից՝ Լեռնային Ղազարը կամ Գիլիջան-Իջևանի շրջանը (պատմական Չորափորը եւ Կողբոփորը), իսկ հիւսիսից՝ Վրաստանը:

Մակերևոյթի կազմութեանը նայելով՝ Տաշիրքը մանրանկար պատկերն է Հայկական Բարձրաւանդակի: Նա ներկայացնում է բարձրադիր, ալիտատան սարահարթ, որ հիւսիս-արեւմուտքից հարաւ-արեւելք ուղղութեամբ երթալով աստիճանաբար իջնում է, հասնելով Խրամի ձախ էզերքը, ուր արդէն հարթավայր է (Բորչալուի դաշտի մէկ մասը):

Այդ բնագաւառի հիւսիսային մասում, Բզովտալի եւ Վրահացոց լեռների միջեւ ընկած բնդարձակ հովտում է տարածւում Լոռիի սարահարթը: Նրա միջով է հոսում Չորագետի ձախակողմեան վտակ Ջալալոյլուի ջուրը (ոուսացուած կոչւումով՝ Կամենեա):

Տաշիրքի լեռները ծածկուած են անտառներով եւ փարթամ արօտներով: Չմեռը, մանաւանդ լեռներում, անցնում է շատ խիստ եւ տեւում է երկար: Կլիման այդտեղ շատ առողջարար է, իսկ դաշտային մասում, ընդհակառակը, տաք է եւ վատառողջ:

Լեռնային մասերում ժողովուրդի զլխաւոր զրադումները անասնապահութիւնն է եւ նրա հետ կապուած անտեսութիւնները, յատկապէս պանրագործութիւնը: Մեղուարուծութիւնը եւս այդտեղ բաւական տարածուած է: Թէեւ հացարոյսերի մշակութեամբ էլ զբաղւում է ժողովուրդը, բայց դա գոհացուցիչ արդիւնք չէ տալիս, կլիմայական պատճառներով: Մեղուարուծութիւնը եւ անասնարուծութիւնն ու կաթնատնտեսութիւնը լաւ ապագայ ունին լեռնավայրերում: Այժմ իսկ՝ Լոռուայ